



ԳՐԹԻ ՀՆՈՐՀԱՆԴԵՍ

Գալիք փոխակերպումներին ընդառաջ, երբ արժեհամակարգերի քառս է

Այս օրերին տարբեր երկրներում և Հայաստանում մշտն էն Հայկազյան համալսարանի ստեղծման 70-ամյակը. այդ համատեքստում Մանկավարժական համալսարանում տեղի ունեցավ «Հայու-թեան տեղաշարժերը և փոխակերպում-ները 20-րդ դարում և 21-րդ դարում սկզբին» գիտաժողովների հոգվածների ժողովածուի շնորհանդեսը:

Բեյրութի Հայկազյան և Խաչատուր Աբովյանի անվան հայկական պետական մանկավարժական համալսարանների միջև 2021 թվականին ստորագրվել է համագործակցության հուշագիր, որի շրջա-նակում 2022 և 2023 թվականներին կազ-մակերպվել են համատեղ գիտաժողով-ներ Երևանում՝ Մանկավարժական հա-մալսարանում, և Լիբանանում՝ Հայկազ-յան համալսարանում:

Մանկավարժական համալսարանի Պատմության և հասարակագիտության ֆակուլտետը և Բեյրութի Հայկազյան հա-մալսարանի Հայկական սփյուռքի ուսում-նասիրության կենտրոնը սկզբունքորեն ընտրել են մի թեմա, որը «ոչ միայն յու-րահատուկ էր իր վերնագրով ու բովան-դակությամբ, այլև յուրահատուկ էր մեր ժողովրդի պատմության, սոցիալական-քաղաքական ներկա վիճակի առումով», ինչպես ընդգծեց ՀՊՄՀ Պատմության և



հասարակագիտության ֆակուլտետի Հա-մաշխարհային պատմության և մրա դա-սավանդման ամբիոնի վարիչ Խաչատուր Ստեփանյանը: Պրոֆեսորը նշեց, որ հայ ժողովրդի պատմությունը որոշ առումով տեղաշարժերի պատմություն է, և հայերի տեղաշարժերը, գաղութների ձևավորումն ու սփյուռքի առաջացումը տարատեսակ քննարկումների և գնահատականների է

արժանացել պատմագիտության կողմից: Ահա ինչու որոշել են ուսումնասիրել այդ տեղաշարժերի հետևանքները լեզվա-կան, քաղաքական և այլ փոխակերպում-ների տեսանկյունից: Գիտաժողովի կազ-մակերպիչները վստահ են՝ գիտաժողո-վում բարձրացված թեման կիրառական նշանակություն կունենա թե՛ գիտական-ների, թե՛ նյութը հետազոտողների, թե հա-

յության տեղաշարժերով զբաղվող պատ-կան մարմինների համար:

Վերոհիշյալ ժողովածուում գետնովել է երկու գիտաժողովների 40 մասնակից-ների հոգվածների ընտրանին, որտեղ ներկայացված են տեղաշարժերը և փո-խակերպումները Վրաստանում, Իրա-նում, Սիրիայում, Ջնյունիայում, Հայաս-տանում, քննության ենթարկվել քաղա-քական, տնտեսական, ազգագրական, լեզվաքանական ու մշակութային տե-սանկյուններից:

ՀՊՄՀ ռեկտոր Սրբուհի Գևորգյանը շնորհանդեսին մասնակցելու համար շնորհակալություն հայտնեց հյուրերին՝ Բեյրութի Հայկազյան համալսարանի մա-խագահ վերապատվելի Փոլ Հայտոսյա-նին, Հայկազյան համալսարանի հայկա-կան սփյուռքի ուսումնասիրության կենտ-րոնի ղեկավար դոկտոր Անդրանիկ Դա-քեայանին, Բեյրութի Հայկազյան համալ-սարանի հոգաբարձուների ատենապետ Հասմիկ Բարանին և փոխատենապետ Ջոն Սավարյանին:

«Հայության տեղաշարժերով պայմա-նավորված հասարակական-քաղաքա-կան փոխակերպումները գնալով ավելի են հետաքրքրում գիտական շրջանակնե-րին, և զուգահեռ քննարկվող հարցե-րի շրջանակը ոչ միայն ակադեմիա-»

Ավետիք ԻՍԱԸԱԿՅԱՆ-150

Դու, երկնամեծ իմ հայրենիք, դու, հինավուրց իմ Հայաստան, Անմահ բանի սպասարկու, խորհուրդ խորին, իմ Հայաստան, Դու, ալևոր տեսիլների աստեղագծ իմ Հայաստան, Եվ մոր խոսքի ավետաբեր, հազարավերք, իմ Հայաստան: Սաղավարտներ դրած կանգնած քո լեռներդ կուռ երկաթի, Արորներդ արյունազանգ՝ արդարության ցորեն արտի: Երդիկներիդ ծուխերն անուշ՝ մկրակն Լավասարդի, Հին օրերի երգ սրբազան, սեղան զոհի, իմ Հայաստան: Քո գետերդ՝ տեգ սուրացող, ազատատենց, կամուրջ քանդող, Քաղաքներիդ մոխիրներից ծլած վարդերն արյուն-բուրդ: Շարականների՝ հոգեբուխ, շինականիդ երգը՝ լացող: Հին սերերի, մոր կարոտի ոսկի բամբուռ, իմ Հայաստան: Դստրիկներդ քո փափկասուն՝ անապատի գայլերին կեր, Որբուկներդ՝ մերկ ու ծարավ. սովալլուկ, մահի ընկեր: Բախտիդ վրա՝ ծափ ու ծիծաղ, սփոփանքի ունայն խոսքեր, Նոր հույսերի, մոր երգերի երազաբույր իմ Հայաստան: Բարեկամներից վաճառված, անիրավված իմ հայրենիք, Ոսոխներիդ կրունկի տակ ավերակված ո՛րք հայրենիք, Սարսափներով, եղեռներով հավերժացած հին հայրենիք, Արյունիդ մեջ սուրբ իրավունք, հոգիդ արև, իմ Հայաստան: Կռուկներդ համբավ տանող՝ պանդուխտներիդ աշխարհալած, Նահատակված տաճարներիդ գմբեթները երկնալաց, Մագաղաթներդ արյունաներկ՝ ձայն հեծության, հառաչանաց, Հնուց ուխտի վկայական, ավանդատուն, իմ Հայաստան: Ծիրանավոր քաջ-Մասիսը՝ սպարապետ քեզ պահապան, Ծերուկներդ՝ ճակատագրիդ ճամփաների սուրբ օրինաբան, Նոյ-Նահապետ աստվածատես՝ ածուններիդ վեհ այգեպան, Մանուկներիդ ու կույսերիդ արյան հնձան, իմ Հայաստան: Արդարախոս ու մեծասքանչ քո հին լեզվով օրհներգված, Լուսավորչի լույս կանթեղով երկինքներդ լուսերանգված, Անճառելի ու դարերի տանջանքներով հոգիացած, Հրաշափառ քո Հարությանը՝ նորամանուկ իմ Հայաստան:

1921 թ., Վենետիկ

Սոս ՍԱՐԳՍՅԱՆ

Մեղքը սրա-մրա վրա բարդելով ջվալը չի կարվում: Ազգովի կդառ-նանք մեղադրող, պահանջող, վատաբանող, ծառ ասող... Ծառ ասող: Մեր զանգն ո՞վ է կախելու:

Մեր խոսքը մտածմունքից ծնենք, մեր կողմնորոշումը՝ տանջահար մեր պետությունից: Խելոք մի մարդ ասել է՝ քաղաքականությունը հնա-րավորության արվեստ է: Թեթևամտորեն չկապկենք սրան-մրան, ու-րիշ է մեր ճակատագիրը, այլ են մեր լուծելիք խնդիրները, ծանր է մեր խաչը:

Ընշտ ենք կորցնում, դժվար ենք ետ բերում տանուլ տվածը:

Կողքից նայողը կասի՝ հայերը արդեն քանի դար պատրանքներով են ապրում: Պատճառն այն է, որ հաճախ ենք ուրիշի չեռքին խաղա-լիք եղել: Մի հինավուրց ժողովուրդ, փորձված, ծեծված մի ժողովուրդ-ժամանակն է, որ իր եղած բարեմասնություններին գումարի իմաստուր-յուն:

Մեր վիճակը դեռ չի հասել գիտակցության մեր խորքերը:

Մեր ապագան բզկտված, չարչրկված այս փոքրիկ հողակտորն է, մեր միակ հույսն է, խնայենք: Խնայենք ինքներս մեզ, խնայենք մերկացած ջղերով այս ժողովրդին: Մտավորականի համար չի կարող լինել՝ վերևի-ներքևի կողմ: Հայրենիքն ամբողջական հասկացողություն է:



Մանկավարժական համալսարանի պատվիրակությունը՝ Իսպանիայի Վալյադոլիդի համալսարանում



Հունիսի 16-19-ը Մանկավարժական համալսարանի պատվիրակությունը՝ Աշխատակազմի և միջազգային համագործակցության գծով պրոռեկտոր Մարիաննա Հարությունյանի գլխավորությամբ, Իսպանիայի Վալյադոլիդի համալսարանում էր:

Երազմուս+ T4GREEN (Հայաստանում և Մոլդովայում մանկավարժական կրթության բարեփոխումը հանուն կանաչ և թվային անցման) ծրագրի շրջանակներում բուհի Կրթության և Սոցիալական աշխատանքի ֆակուլտետը վերապատրաստման և փորձի փոխանակման նպատակով հյուրընկալել էր ծրագրի մասնակից համալսարանների և կազմակերպությունների ավելի քան 40 ներկայացուցչի՝ Հայաստանից, Մոլդովայից, Չեխիայից և Պորտուգալիայից:

Ի դեպ, ՀՀ-ում Երազմուս+ T4GREEN (Հայաստանում և Մոլդովայում մանկավարժական կրթության բարեփոխումը հանուն կանաչ և թվային անցման) ծրագրի համակարգողն է:

Վերապատրաստման առաջին օրը մասնակիցներին ողջունեցին Վալյադոլիդի համալսարանի Կրթական նորարարության և թվային վերափոխման գծով պրոռեկտոր Սյուզանա Ալվարեսն ու VirtUVA-ի տնօրեն (Վալյադոլիդի համալսարանի առջնային ուսուցման, վերապատրաստման և կրթական նորարարության կենտրոն) Ռոբ Պինեդո Գոնսալեսը:

Ծրագրի համակարգող, ՀՀ-ում պրոռեկտոր Մարիաննա Հարությունյանն իր ելույթում ընդգծեց T4GREEN-ի կարևոր դերը Հայաստանի և Մոլդովայի կրթական համակարգերի զարգացման գործում: Նա իր երախտագիտությունը հայտնեց Վալյադոլիդի համալսարանին՝ վերապատրաստման շաբաթը բարձր մակարդակով կազմակերպելու, ծրագիրն արդյունավետորեն իրականացնելու համար:

Վերապատրաստման առաջին օրը մասնակիցներին ողջունեցին Վալյադոլիդի համալսարանի Կրթական նորարարության և թվային վերափոխման գծով պրոռեկտոր Սյուզանա Ալվարեսն ու VirtUVA-ի տնօրեն (Վալյադոլիդի համալսարանի առջնային ուսուցման, վերապատրաստման և կրթական նորարարության կենտրոն) Ռոբ Պինեդո Գոնսալեսը:

Ծրագրի համակարգող, ՀՀ-ում պրոռեկտոր Մարիաննա Հարությունյանն իր ելույթում ընդգծեց T4GREEN-ի կարևոր դերը Հայաստանի և Մոլդովայի կրթական համակարգերի զարգացման գործում: Նա իր երախտագիտությունը հայտնեց Վալյադոլիդի համալսարանին՝ վերապատրաստման շաբաթը բարձր մակարդակով կազմակերպելու, ծրագիրն արդյունավետորեն իրականացնելու համար:

Վերապատրաստման առաջին օրը մասնակիցներին ողջունեցին Վալյադոլիդի համալսարանի Կրթական նորարարության և թվային վերափոխման գծով պրոռեկտոր Սյուզանա Ալվարեսն ու VirtUVA-ի տնօրեն (Վալյադոլիդի համալսարանի առջնային ուսուցման, վերապատրաստման և կրթական նորարարության կենտրոն) Ռոբ Պինեդո Գոնսալեսը:

Վերապատրաստման առաջին օրը մասնակիցներին ողջունեցին Վալյադոլիդի համալսարանի Կրթական նորարարության և թվային վերափոխման գծով պրոռեկտոր Սյուզանա Ալվարեսն ու VirtUVA-ի տնօրեն (Վալյադոլիդի համալսարանի առջնային ուսուցման, վերապատրաստման և կրթական նորարարության կենտրոն) Ռոբ Պինեդո Գոնսալեսը:

Այցի երկրորդ օրը խմբային աշխատանքներ եղան թվային և կանաչ անցման գործնական մեթոդների շուրջ, ինչին հաջորդեց «PROMISED» մա-

խագծի փորձի վերաբերյալ դասախոսությունը:

Այցի շրջանակներում մասնակիցները եղան նաև Սեգովիա քաղաքում, որտեղ գտնվում է Վալյադոլիդի համալսարանի Կրթության ֆակուլտետի կամպուսը: Սեգովիայի համալսարանի աշխատակիցները ներկայացրին ուսուցիչների պատրաստման լավագույն փորձը՝ համահունչ 21-րդ դարի պահանջներին և զարգացումներին:

Վերապատրաստման վերջին օրը եղան քննարկումներ, ծրագրի ընթացիկ արդյունքների գնահատում:

Ծրագրի արտաքին գնահատող, Ստոկհոլմի թագավորական տեխնոլոգիական համալսարանից Վիկտոր Կորդա-սը ներկայացրեց վերջին 18 ամիսների ընթացքում ծրագրի արտաքին գնահատման արդյունքները, հանդես եկավ առաջարկներով:

Այցն ավարտվեց ծրագրի համակարգման վերաբերյալ հանդիպմամբ. ամփոփվեցին վերջին ամիսներին իրականացված աշխատանքները, պլանավորվեցին հետագա գործողությունները:

Մարինե ԱՂԵԿՅԱՆ

Երբ կարևորվում են գիտելիքն ու հմտությունը



Ցանկանում ենք կիսել մեր դրական կարծիքն ու ոգեշնչումը՝ մեր հարազատ բուհի՝ Խաչատուր Աբովյանի անվան մանկավարժական համալսարանում բացված և ակտիվ գործող Գերազանցության կենտրոնի՝ տեխնիկապես հագեցած լաբորատորիաների հետ կապված: ՀՀ-ի «Բնագիտություն, տեխնոլոգիա, ճարտարագիտություն և մաթեմատիկա» ոլորտի 3-ին և 12-ին իր հյուրընկալ դռներն էր բացել ՀՀ տարբեր մարզերի և երևանի մի շարք դպրոցների աշխարհագրության ուսուցիչների առջև: Ուսուցիչների մեծ մասը, ինչպես նաև մենք Մանկավարժականի տարբեր տարիների աշխարհագետ շրջանավարտներն են: Միշտ պահել ենք գործնական կրթական կապերը մեր բուհի հետ, իսկ այս նորաստեղծ լաբորատորիայում աշակերտների և մեզ համար կազմակերպվող դասերն ու սեմինար քննար-

կումներն ավելի են ամրապնդում ու նոր որակ հաղորդում դպրոց-բուհ, ուսուցիչ-մանկավարժական համայնք կապերին:

Հանդիպումների ընթացքում ծանոթացանք Գերազանցության կենտրոնի աշխարհագրության լաբորատորիայի նորագույն սարքավորումներին, մասնավորապես՝ եղանակային դիտումների համար նախատեսված դպրոցական օդերևութաբանական տեղակայանքին, քարտեզագրական մի շարք գործիքների՝ կուրվիմետր, կոդմագույց և այլն, որոնք կիրառվում են տեղանքում կողմնորոշվելու, քարտեզների, հատակագծերի և գլոբուսի վրա կորագծերի երկարությունների չափման համար: Աշխարհագրության և նրա դասավանդման մեթոդիկայի ամբիոնի վարիչի պաշտոնակատար Մարիետա Մուրադյանը, դոցենտ Սամվել Կրոյանը ու ամբիոնի ասիստենտ Վարդուհի Հովհաննիսյանն ուսուցիչների համար անցկացրին վարպետության



գործնական դասեր՝ նորաստեղծ լաբորատորիայի ժամանակակից սարքավորումների կիրառմամբ:

Փորձառու շատ ուսուցիչներ հանդիպումների ընթացքում կիսեցին իրենց փորձը, կատարվեց մտքերի և գաղափարների ակտիվ փոխանակում, բուհից հեռացանք՝ վստահ լինելով, որ ման հարստացնող հանդիպումները կլինեն շարունակական:

**Սիրով և հարգանքով՝
Անուշ ԱՔՐԱՅԱՍՅԱՆ
Երևանի Ռոբերտ Աբաջյանի
անվան № 147 դպրոցի աշխարհագրության ուսուցչուհի
Իրինա ՄԱՐՏԻՐՈՍՅԱՆ
Երևանի Օլիմպիական հերթափոխի պետական մարզական քոլեջի
աշխարհագրության դասախոս**

Երբ ցուցահանդեսի «գլխավոր կերպարը» ծաղիկն է...

«Ծաղիկներ, որ չչորացան» խորագիրը խորհրդանշում է արվեստի հավերժությունը, հիշողության, զգացողության և գույնի տևականությունը ստեղծագործության մեջ. Մանկավարժական համալսարանի ռեկտորատի արահուն հունիսի 25-ին բացվեց մանկավարժ գեղանկարիչ, մանկավարժական գիտությունների թեկնածու, պրոֆեսոր Սևադա Սարգսյանի 12-րդ անհատական ցուցահանդեսը՝ «Ծաղիկներ, որ չչորացան» խորագրով:

Ինչպես նշում է Սևադա Սարգսյանը, ցուցահանդեսն իր 30 տարվա ստեղծագործական կյանքի ամփոփումն է: Ներկայացված 30 աշխատանքները խորհրդանշում են տարիների ընթացքում կուտակված ստեղծագործական փորձը, տարբեր զգացողություններն ու ռճային պրպտումները:

Սևադա Սարգսյանը ցուցահանդեսում ներկայացրել է իր 30 տարվա 30 առաջադրանք, որտեղ պայմանական «կերպարը» ծաղիկն է: Այստեղ ներկայացված են և՛ 1995, և՛ 2025 թվականին նկարված ծաղիկներ: Հարցին, թե ռճային կամ զարգացման ինչ տարբերություններ է նկատում հեղինակը, պատասխանեց. «Ես ինքս էլ մոր եմ նկատում: Թեև այս ծաղիկները առանձին տեղերում են եղել կամ իմ արվեստանոցում, բոլորն էլ ամբողջատ աչքիս առաջ են եղել, բայց միասին չէի տեսել: Նաև իմ ստեղծագործական աճն եմ նկատում այստեղ: Եզրակացությունս եղավ ցուցահանդեսի խորագիրը՝ «Ծաղիկներ, որ չչորացան»: Յուրաքանչյուր ծաղիկ իր ժամանակի տպավորությունն ու զգացողությունն է հիմա ինձ փոխանցում, և յուրաքանչյուր ծաղիկ հետ կարծես թե վերադառնում են տվյալ ժամանակաշրջան: Ինքնագնահատման առիթ է նաև այս ցուցահանդեսը, և կարևորում են նաև այն, որ այստեղ բացի գեղարվեստական մոտեցումից, կա մեթոդաբանություն՝ ինչպես կարելի է ցուցադրել, ինչ կարելի է ցուցադրել»:

Սևադա Սարգսյանը մատնանշում է իր քանդակները՝ մետաղյա ծաղիկներ, որոնք ևս հնարավոր է «քաղել» (նրանք եռանկյան կամ սոսնձված չեն):

Նկարիչը ուշադրությունը կենտրոնացրել է նաև ցուցադրման մեթոդաբանության վրա, ինչպես օրինակ, մետաղյա ծաղիկը, որ ստեղծվել է 2025-ին, ամենավերջին աշխատանքն է: Այն յուրատեսակ արևածաղիկ է, որը սակայն թեքվում է ոչ թե դեպի արևը, այլ նայում է երկնքին: Աշխատանքը նվիրել է զոհված տղաների հիշատակին: Սևադան հող է բերել այն վայրից, որտեղ նահատակվել է մեր բուհի ուսանող Ամրահակը, և ծաղիկի վրա հատուկ շրջանակ կա արված, որտեղ պետք է լցնի այդ հողը՝ որպես հավերժության խորհրդանշ:

ՀՊՄՀ պրոֆեսոր Սևադա Սարգսյանի ցուցահանդեսը ներկայացնում է մեկ

մարդու կյանքի անցած ճանապարհը՝ ծաղիկների լեզվով, ծաղիկներ, որոնց մեջ նա նաև խորհրդանշաններ է տեսնում: Ծանապարհի՝ ծաղիկի լեզվով, ասել է թե ներկայացնել՝ ինչպես է մարդը, ստեղծագործողը ժամանակի մեջ փոփոխվում, ինչպես է ենթարկվում բնությանը, կամ բնության թելադրանքով ինչպես են ծնվում ստեղծագործություններ:

«Պատահական չէ, որ ծաղիկների թեման նկարիչների գործունեության մեջ կարևորագույն տեղ է զբաղեցնում,-ասաց ՀՊՄՀ ռեկտոր Սիրուհի Գևորգյանը:- Ծաղիկը այն պարզագույն և շքեղ երևույթն է, որ յուրաքանչյուրիս կյանքին մոր գույն, մոր գիտակցություն, մոր տրամադրություն է բերում, այն նկարչի՝ օբյեկտիվ ի-

մտորումները, այլև տվյալ պահի խնդրահարույց իրավիճակները ու տրամադրությունը:

«Այստեղ ներկայացված են աշխատանքներ, որոնք խոսում են ծաղիկի հավերժության, կյանքում ծաղիկի՝ մեզ հետ ներգործելու հավերժական հարցադրումներին մոտենալու մասին: Որ ուրտն էլ վերցնենք՝ ծաղիկի գոյությունը մեր կյանքում յուրահատուկ նշանակություն ունի, մնացածը ճաշակի, ըմբռնման, տրամադրության հարց է», -ասաց ռեկտորը՝ փաստելով, որ ծաղիկներ խորհրդանշող ցուցահանդեսը լավագույն նվեր է նաև համալսարանի շրջանավարտներին:

Ելույթ ունեցավ ֆակուլտետի դեկան Արա Հակոբյանը, որը Սևադայի աշխա-

տանքները բնորոշեց որպես ասելիք ունեցող ստեղծագործություններ, ընդգծեց նկարներում «թաքնված» լույսի առկայությունը՝ ասելով՝ «սա երկարատև մտորումի և աշխատանքի արդյունք է»:

Գործընկերոջ մանկավարժական և ստեղծագործական գործունեությունն արժևորեցին նաև մանկավարժական գիտությունների թեկնածու, պրոֆեսոր Արտաշես Քեչիշյանը և կերպարվեստի ամբիոնի դոցենտ Միսաք Մելքոնյանը:

Օրվա «մեղավոր» Սևադա Սարգսյանը խոսեց ցուցահանդեսին իր ուրույն մոտեցման մասին. ներկայացրել է ծաղիկի կերպարը, թե ինչ փոփոխությունների է ենթարկվում ժամանակի ընթացքում, իր դեպքում՝ 30 տարվա կտրվածքով, ինչ փոփոխության են ենթարկվում ծաղիկ ընկալումը, ծաղիկի կերպարի ձևակերպումները: Միաժամանակ նա ընդգծեց ցուցահանդեսի առանձնահատկությունը՝ ներկայացված են տարբեր ռճերով, տարբեր նյութերով ու տեխնիկաներով արված աշխատանքներ:

Պետք է շարունակեն նկարել ծաղիկներ՝ ամփոփեց Սևադան՝ հույս հայտնելով, որ բնության մեջ ամենուրեք փնտրելու է այն հավերժական ծաղիկը, որը հավերժ է նաև նկարներում, և միգուցե կգտնի:

Ստեղծագործողի ճանապարհը ամենօրյա տառապանք է, նաև՝ յուրաքանչյուր ստեղծագործության հետ ծնվող ապրումն ու ընկալումը դիտողին ճիշտ մատուցելու զգացողություն: Սևադա Սարգսյան ստեղծագործողի ճանապարհն էլ բացառություն չէ... Մաղթենք նրան «ծաղկային» մոր ճանապարհի՝ իրեն բնորոշ՝ մութի խորշից դեպի լույսն ու արևը ձգվող գունեղ վրձնահարվածներով:

ՄԻԿԱ ԱՄՐԱՆ



րականության հետ փոխներգործելու յուրահատուկ միջոցն է: Ուրախ եմ, որ այսօր Գեղարվեստական կրթության ֆակուլտետի պրոֆեսոր Սևադա Սարգսյանի տրամադրությունների, խնդիրների, ժամանակաշրջանում իր գտած գույների և այդ հայտնագործությունների մեջ հոգեկան ռեսուրսը մեզ հետ կիսելու հնարավորություն է ընձեռնվել»:

Ռեկտորը խոսեց Սևադայի վաղ շրջանի ստեղծագործությունների մասին, որոնցում նկատելի է երիտասարդական գույների ընկալման պարզությունը և հանգիստ ու խաղաղ տրամադրությունների դրսևորումները, ինչպես նաև ապագայի նկատմամբ ջիմջ պատկերացումները: Սիրուհի Գևորգյանը միաժամանակ ընդգծեց ավելի ուշ շրջանում ստեղծված աշխատանքներում նկատվող կտրուկ փոփոխությունները՝ արտահայտված շարժումն ընդգծող վրձնահարվածներով, որոնց միջոցով հեղինակը փորձել է մեզ փոխանցել ոչ միայն իր ներքին



ՀԻՇԵԼՈՒ ՀՐԱՄԱՅԱԿԱՆԸ

Ի ՅԻՇԱՏԱԿ ՊԱՐՈՆ ԼԱԼԻԿ ԽԱՉԱՏՐԵԱՆԻՆ

Դիմատետրը բանալս եւ Պարոն Դաւիթ Գուրժինեանի գուժը դէմս ելլելը մէկ եղաւ. «...Աւարտուեց Լալիկ Խաչատրեանի երկրային կեանքը: Ափսո՛ւ, հազար ափսոս...»: Քամուած մնացի տեղս. ափսոսանքի ահաւոր բան մը պատեց մերսս. ը՛ր գնաց, այդ մտքի հսկայ պաշարը, ո՛ր տարաւ: Ու այդ վայրկեանէն մտքիս կաշեցաւ գրաբարի սորված առաջին տողս. «Որսորդն կալաւ կաքաւ մի, եւ կամէր զենուլ...»: Թերեւս տարիներ է, որ զայն չէի յիշած. հիմա ուղեղս բացուած արխիւ մը՝ մտքիս հին յուշերը մէկիկ-մէկիկ կը սահեցնէ մերսիդիս:

Գրաբարեան հատուածներ գոց արտասանել կու տար: Խիստ ու հեղինակաւոր շուք մը ունէր, այն աստիճանի որ դասարանին մէջ միշտ պետք էր որ շունչդ պահած նստէիր, որովհետեւ չէիր գիտեր, թէ ո՛ր պահուն կրնար անունդ տալ, որպէսզի կրկնէիր օրինակ. «Որսորդն կալաւ կաքաւ մի, եւ կամէր զենուլ»:

Մի՛ սպանաներ զիս, զի ես խաբեցից զբազում կաքաւս եւ ածից յակնատս քո»:

Վա՛յ անոր, որ սխալէր. այնքան սրամիտ ու ծիծաղելի բան մը կ'ըսէր, որ ամօթեղ՝ ո՛ր մտնելդ չէիր գիտնար: Ուրեմն՝ կատակ չկար. պետք էր սորվիլ...

- Դուք մեր ուսանողներից շատ լաւ էք կարդում գրաբարը,- կը հաստատէր ան եւ կ'աւելցնէր,- Մեր ուսանողները «յառաջ»-ի «յ»-ն «յ» են կարդում՝ ճիշդ այդ-ի «յ»-ի նման: Դժուարութիւն ունին նաեւ երկբարբառները հնչելու՝ «ոյ, իւ, եա...»:

Այնուհետեւ կը սկսէր քերականական բացատրութեան.

«Կալաւ»՝ «ունին» անկանոն բային անցեալ կատարեալն է, այստեղ՝ բռնեց իմաստով:

«Կամէր»՝ «կամիմ», կամեմալ բային անցեալ անկատարն է՝ «կ'ուզէր» իմաստով:

Միտքը կը մնանէր փոթորկոտ գետի, որ զօրաւոր հոսքով կը քշէր ու կ'երթար՝ մեզ թողելով լարուած, արագընթաց հոսքին ետեւէն հասնելու յոյսով:

Անգամ մը շատ անսպասելի հարցուց թէ՛ անառակին արմատը ի՞նչ է.

-Առակ, -պատասխանեցի գոհունակ:

-Իսկ անառակին եւ առակին կապը ո՞րն է:

-Տարակուսեցայ: Գիտէի, որ առակը այլաբանական ստեղծագործութիւն է, սակայն անառակ որդիի պատմութեան մէջ ան-առակը առակին հետ կապ ունէ՞ր, վստահ չէի:

Ու սրամտութեան փայլով բացատրեց, թէ առակները ինչու ստեղծուած են, անոր կերպարները մարդոց օրինակ դառնալու համար, ուրեմն՝ ան-առակ կը նշանակէ ան - օրինակ, իսկ «օրինակ» բառի արմատն ալ օրէնն է, օրէնքը: Այս տրամաբանութեամբ ալ անառակը օրէնքէն շեղողն է:

Հագիւ տրամաբանած, փութացուց յաջորդը. «Իսկ խայտառակը»:

- Խայտ - առակ,- կ'ըսեմ առանց երկուքին կապը հասկնալու:



Իսկոյն բացատրեց, որ ժամանակին անառակներու, այսինքն օրէնքները խախտողներուն կամ կը գամէին անարգանքի սիւնին եւ կամ դէմքին բիծեր կը գծագրէին եւ կը ցուցադրէին հրապարակները իբր ծաղրի առարկայ, խայտ կը նշանակէ գոյնզգոյն բիծեր, հոնկէ ալ՝ խայտառակը:

Այսպէս՝ բառերը ստուգաբանելու հաճելի մտամարզանք կ'ընէինք, ան կը վարժեցնէր մեզ խորհելու ու բառերուն վրայէն անտարբեր չանցնելու:

Մատենագրութիւն ալ կը դասաւանդէր պարոն Լալիկը: Ազաթանգեղոսը, Եզնիկ Կողբացին, Փաւստոս Բիւզանդը, Եղիշէն, Խորենացին՝ իր խօսքին ու առգանութեան շնորհիւ կը կենդանանային: Արտաշէսը կը քաշէր իր պարանը, ու կ'անցընէր Սաթենիկի մէջքին ու շատ կը ցաւեցնէր մէջքը փափուկ օրիորդին: Յետոյ, կ'աւելցնէր՝ ժպիտով.

-Իմ աղջկան անունն էլ է Սաթենիկ:

Վարդանանքի յիշատակի ամիսն էր: Համագգայինի կազմակերպած դասախօսական երեկոյին պարոն Լալիկը պիտի ներկայացնէր «Աւարայրի ճակատամարտը»: Ինչպէս այլ ուսանողներու, ինծի եւս վիճակուեցաւ արտասանել: Իմ բաժինս Վարդանի ճառն էր.

«Արդ, աղաչեմ զձեզ, ով քաջ միզակակիցք իմ...»:

Շատ կը սիրէի մանաւանդ գրաբարեան հնչեղութիւնը՝ ճառի հետեւեալ հատուածին. «Մի՛ երկուցեալ զանգիտեցուց ի բազմութենէ հեթանոսացն...» իրար յաջոր-

դող հնչիւններ, որոնք կը ստեղծեն յատուկ երաժշտութիւն՝ շեշտադրելով տողերու ուժը, խորհրդաւորութիւնն ու գեղեցկութիւնը:

Սիրահարեցայ գրաբարին, որուն հանդէպ մինչ այդ երկիւղ ունէի, չէի մօտեցած: Հիմա, որ կը կարդայիմք ու կը թարգմանէիմք հատուածներ՝ լեզուի արմատին կը դիպէիմք: Ինչպիսի՞ երանութիւն: Այդ օրերուն հայագիտականի լեզուի երկու մեծ դասախօսներ ունենալը բախտաւորութիւն էր՝ արեւմտահայերէնի մեր դասախօսը՝ պարոն Զուլաքեանն էր, գրաբարիմք՝ պարոն Լալիկը: Մենք իսկապէս բախտաւոր սերունդ էինք:

Անցան տարիներ: Հալէպը ապրեցաւ պատերազմի ծանր տարիներ: Եւ օր մը, երբ ընտանեօք որոշեցիմք Հայաստան տեղափոխուիլ, իմ առաջին քայլս եղաւ Հայագիտական ուսումնա շարունակելը: Մագիստրատուրայի տարիներն էին: Երկրորդ տարիս էր, երբ դասախօսներու ցանկին մէջ կարդացի պարոն Լալիկի անունը: Ան մեզի այդ կիսամեայ լեզու պիտի դասաւանդէր: Շատ ուրախացայ ու անհամբեր կը սպասէի մեր հանդիպումին:

Դասարան մտնելն ու դասի անցնիլը մէկ եղաւ: Հարցունքներ ուղղեց, եւ լսարանի ուսանողները մէկիկ-մէկիկ սկսան պատասխանել: Ժպիտով եւ մերքին հրճուանքով կը հետեւէի դասախօսիս. չէր փոխուած, նոյն եռանդը պահած էր եւ նոյն սրամիտ ոճով կամ կը համաձայնէր ուսանողներուն պատասխաններուն, կամ կը ճշդէր: Հարցունքի մըն ալ ես պատասխանեցի՝ անչկոտութենէ ձեռքս չբարձրացուցի, այլ նստած տեղէս՝ ոչ այնքան համարձակ ձայնով: Պահ մը կատարեալ լռութիւն տիրեց ու յետոյ հարցուց.

- Ո՞վ էր:

-Ես,- պատասխանեցի: Զգացի, որ ծայրն ծանօթ թուեցաւ իրեն, բայց ակնյայտ էր, որ չէր պատկերացներ, թէ իր դիմաց նստած ուսանողը տարիներ առաջ Հալէպի մէջ իր դասընթացներուն մասնակիցներէն մէկն էր: Իսկոյն անունս հարցուց, եւ երբ տուի, անակնկալի եկաւ. «Ձայնդ էլ չես հանուն հա՛», ըսաւ ու դասը ընդհատելով սկսաւ ուսանողներուն պատմել Հալէպի հայագիտականի օրերէն այնպիսի մանրամասնութիւններ, որոնք ձեռով մը վերապրում եղան նաեւ ինծի համար:

Դասաւանդութիւնը արեւելահայերէն էր, սակայն իմ ներկայութիւնս առիթ համարելով իւրաքանչիւր լեզուական երեւոյթի կամ օրէնքի դիմաց, կ'ուզէր որ արեւմտահայերէնի ալ համեմատական ընէի: Քննութիւնս ալ այդպէս յանձնեցի արեւելահայերէնի եւ արեւմտահայերէնի համեմատութեամբ:

Դժուար է ընդունիլ պարոն Լալիկին կորուստը: Մարդ, որ հզօր գիտելիքներով դեռ շատ բան ունէր տալու յաջորդ սերունդներուն: Դիմատետրի էջին պարոն Դաւիթ Գուրժինեան հաւաստիացուց, որ պիտի շարունակեն իր գործը ու աւարտին հասցնեն գիտաժողովի գիտական նիւթերու ժողովածուն, որուն առաջին էջին ցաւով պիտի գետեղեն «Խօսք Յիշատակի»:

**Յարգանք իր վաստակին:
Սօսի Միշոյեան ՏԱՊՊԱՐԱՆԱՆ**


ՎԵՐԱՄՈՐ ԱՎԵՏԱՐԱՆ

Հայկական ձեռագրական ժառանգության արժեքավոր մատյաններից է հնագրությամբ VII դար հասնող Ավետարանը, որը հայտնի է «Վեհամոր Ավետարան» անունով (ՄՄ 10680): Այն մեզ հասած հայերեն հնագույն ամբողջական ձեռագիրն է: Մատյանը մագաղաթյա է, գրված բուրդագիծ երկաթագրով, 33625,7 սմ մեծությամբ, ունի 256 թերթ: Գլխավոր հիշատակարանը չի պահպանվել՝ թերթն ընկած լինելու պատճառով: Ուստի, անհայտ են ձեռագրի գրիչը, գրչության վայրն ու ստույգ ժամանակը: Տարբեր ձեռագրերով գրչությունը ցույց է տալիս, որ Ավետարանը գրվել է երկու գրիչների կողմից՝ (առաջին գրիչը գրել է 1-121 թերթերը, երկրորդը՝ 122-256): Մատյանը չունի նկարազարդում, սակայն առանձնանուն է հնագրական առանձնահատկություններով. վաղ շրջանի վիմագրերից ու հնագույն ձեռագրական պատառիկներից հայտնի տառաձևերով կատարված նրա երկաթագիր գրչությունն ինքնին տպավորիչ է: Ավետարանն ունի կաշվե կազմ, այն կոստողազարդ է, կենտրոնում մեծ ոսկեջրած խաչ՝ ընդելուզված հինգ կիսաթանկարժեք քարերով, իսկ չորս կողմից՝ տասնինը արծաթյա փոքր խաչերով:

Ըստ հետազայի հիշատակարանների՝ XIII դարում Ավետարանը պահվել է Հավուց թառի վանքում: Այստեղ 1294 թվականին ձեռագիրը անձնական միջոցներով

ձեռք է բերել Ամենավագ անունով պատվական քահանան և կազմելու է տվել կազմարար Գևորգին: Այդ մասին հիշատակարաններ են թողել և՛ Ամենավագ քահանան, և՛ Գևորգը:

Հետագայի մյուս բոլոր հիշատակարանները դարձյալ Ավետարանի դեգերումների մասին են. XV դարում Ավետարանը գտնվել է Մաքենյաց վանքում, իսկ XVI դարից սկսած՝ Մեծ Բանանց գյուղում, որտեղ արդեն երկու անգամ նորոգված մատյանը (1453 թ. և 1511 թ.) 1625 թվականին երրորդ անգամ գյուղացիների միջոցներով նորոգել է Հովհաննես երեց Շատախեցին՝ հիշատակարանում այն անվանելով «Ծեր Ավետարան»: Բանանցի բնակիչները հետագայում մատյանը «Պահապան» կամ «Բանանցի Ավետարան» են անվանել, որովհետև հավատում էին, որ Ավետարանն ունի բուժիչ և խնդրակատար ուժ: Ավելի ուշ մատյանը տարվել է Գանձակի Ս. Գրիգոր եկեղեցի, որտեղից էլ Գանձակի Հայոց թեմի առաջնորդ Վահան եպիսկոպոս Տերյանը բերել է Ս. Էջմիածին և նվիրել Ամենայն Հայոց հայրապետ Վազգեն Առաջինին: Վազգեն Վեհափառը, մեծապես արժևորելով Ավետարանը, 1975 թվականի հուլիսի 25-ին այն նվիրում է Մատենադարանին՝ ի հիշատակ իր մոր՝ 1974 թվականին մահացած Սիրանուշ Պալճյանի, որի համար մատյանն ստանում է «Վեհամոր Ավետարան» անունը:



Ավետարանը բացառիկ է նաև նրանով, որ երդմնակալության ժամանակ Հայաստանի Հանրապետության նախագահները երդվում են այդ Սուրբ մատյանի վրա:

Ումարա ՄԻՆԱՍՅԱՆ

**Մատենադարանի ավագ գիտաշխատող,
Բանասիրական գիտությունների թեկնածու**

Հայ-հունական համագործակցություն կրթական ոլորտում



Երազմուս+ շարժումության ծրագրի շրջանակում Մանկավարժական համալսարանում էին Աթենքի «Պանթեոն» քաղաքական և հասարակագիտական գիտությունների համալսարանի ներկայացուցիչները՝ Քաղաքագիտության և պատմության բաժնի պրոֆեսորներ Քրիստուլա Միցոպուլուն, Ալկատերիին Պապանելետին, ինչպես նաև Հանրային կառավարման բաժնի պրոֆեսոր Էվանջելիա Պլենմենուն։ Կրթական կառույցները համագործակցում են նախորդ տարվանից։

Հանդիպման ընթացքում հայ և հուն գործընկերները միմյանց ներկայացրին կրթական հաստատությունները, գործունեության հիմնական ուղղությունները, գործող մասնագիտությունները, կրթական համակարգի առանձնահատկությունները։

Կողմերը նաև կիսեցին միջազգային ոլորտում իրենց փորձառությունը, հանդես եկան հնարավոր համագործակցության վերաբերյալ առաջարկներով։

Հանդիպմանը ներկա էին նաև Կրթության հոգեբանության և սոցիոլոգիայի ֆակուլտետի «Հոգեբանություն» մասնագիտության ուսանողներ Ալեքսիա Մնացականյանն ու Հասմիկ Ավագյանը։ Վերջիններս Երազմուս+ շարժումության ծրագրի շրջանակներում կրթությունը շարունակելու հնարավորություն են ունեցել Աթենքի «Պանթեոն» քաղաքական և հասարակագիտական գիտությունների համալսարանում։ Նրանք իրենց եռամսյա ուսումնառության վերաբերյալ փորձն ու կրթական համակարգում առկա տարբերությունները և ներկայացրին։

Ստեղծագործական երեկո՝ «Իմ ուսուցչին»

Կոմիտասի անվան պետական կոնսերվատորիայում հունիսի 21-ին ՀՀ Գեղարվեստական կրթության ֆակուլտետի Երաժշտության մանկավարժության ամբիոնի ղեկավար Լիլյա Խաչատրյանը հանդես եկավ իր ուսուցչին՝ ՀՀ արվեստի վաստակավոր գործիչ, Կոմիտասի անվան պետական կոնսերվատորիայի պրոֆեսոր, դաշնակահար, հասարակական գործիչ Աննա Ալեքսանդրի Ամբակունյանի 105-ամյակին նվիրված համերգով։ «Իմ Ուսուցչին» ստեղծագործական երեկոն Կոնսերվատորիայի դահլիճում հավաքել էր երաժշտության ոլորտի մասնագետների ու երաժշտասերների, դասախոսների և ուսանողների։

Ծրագրում հնչեցին դասական դաշնամուրային և վոկալ ստեղծագործություններ։ Լիլյա Խաչատրյանը Կոմիտասի, Բախի, Բեթովենի, Շոպենի դաշնամուրային ստեղծագործությունների բարձր կատարողական արվեստով հիացրեց դահլիճում ներկա գտնվողներին՝ փաստելով, որ ուսուցչին արժանի աշակերտ է, և այսօր՝ ինքն է շատերի ուսուցիչը։

Վոկալ ստեղծագործությունների կատարմամբ հանդես եկան Տաթևիկ Մովսեսյանը և Ռուբեն Կարասեֆեյանը (ՀՀԽՍՀ)։ Նրանք կատարեցին Լիլյա Խաչատրյանի գրած երաժշտությամբ և հանրահայտ հեղինակների ստեղծագործություններ։



Երեկոն վարում էր ինքը՝ Լիլյա Գուրգենովնան, որը ներկայաներին հետ տարավ դեպի իր ուսանողական տարիները, վերհիշեց ճանաչում ունեցող բազմալստակ դասախոսներին, որոնց պարտական է իր կրթության համար, խոսեց նրանց մասնագիտական ու դասավանդման փորձառությունից։

Դահլիճը հոտնկայա ծափահարություններով ընդունեց դաշնակահարի նախածեռնությունն ու ելույթը՝ փաստելով, որ ուսուցիչներին հիշելու և մեծարելու լավագույն օրինակը նման ստեղծագործական երեկոների կազմակերպումն է։

Սիլվա ԱՄՐՅԱՆ

Խաչատուր Աբովյանի անվան ՀՀԽՍՀ Գեղարվեստական կրթության ֆակուլտետի Լևոն Կոջոյանի անվան ցուցասրահում տեղի ունեցավ համերգ-հանդիպում ամերիկահայ կոմպոզիտոր, դաշնակահար, Հայաստանի կոմպոզիտորների միության անդամ Մարի Սարգսյան-Չինկեյանի հետ։

Երաժշտության մանկավարժության ամբիոնի ղեկավար, մանկավարժական գիտությունների թեկնածու Անահիտ Գևորգյանի և Մարի Սարգսյան-Չինկեյանի առցանց հանդիպումներից է ծնվել համագործակցությունը և հունիսի 17-ին Մանկավարժական համալսարանում կայացած համերգ-հանդիպումը։

Հանդիպմանը ներկա էին Հայաստանի կոմպոզիտորների միության նախագահ Արամ Սաթյանը, Երաժիշտներ, Երաժշտական դպրոցների ուսուցիչներ, բանաստեղծներ, Մարի Սարգսյան-Չինկեյանի ուսանողական տարիների ընկերներ, համալսարանի դասախոսներ և ուսանողներ։

Համերգ-հանդիպումը վարում էր Անահիտ Գևորգյանը, որը հանրակրթական դպրոցական երաժշտության դասագրքերի հեղինակ է։

Մշակութային գեղեցիկ միջավայրում ամերիկահայ կոմպոզիտորը դաշնամուրով կատարեց իր հեղինակային երգե-



Համերգային հանդիպում Մանկավարժականում

րից, որոնց մի մասը գետնովել է երաժշտության դասագրքերում։ Մարիի երգերը կատարեցին տարբեր դպրոցների և երաժշտախմբերի մասնակցող փոքրիկներ, դաշնամուրային նվագակցությամբ հանդես եկան երաժշտական մանկավարժության ամբիոնի մագիստրատուրայի ուսանողներ։

հեղինակ, ՀՀԽՍՀ ղեկավար Անահիտ Գևորգյանի հետ նախածեռնեցին այս համերգային հանդիպումը։

Մարին Հայաստանում ավարտել է Ռոմանոս Մելիքյանի անվան երաժշտական ուսումնարանը, որտեղ ուսանել է անվանի երաժիշտ Էդուարդ Բաղդասարյանին,



Ամերիկահայ կոմպոզիտորը խոսեց իր ծննդավայր Այնթափի և արմատների մասին, պատասխանեց ուսանողների հարցերին, հանդես եկավ ներկայացվող երգերի մասին հետաքրքիր պատմություններով։

Կոմպոզիտորը 40 տարի ապրում է Լոս Անջելեսում և երազանք է ունեցել ամուսնու հետ այցելել ծնողների ու տատիկ-պապիկի ծննդավայր Այնթափ, գտնել հարազատներին, բայց անակնկալ կերպով միացավ Լոս Անջելեսի Մարի Մանուկյան դպրոցի աշակերտ թոռնիկին, որը Երևան էր գալիս իր մի քանի դասընկերների հետ։ Դաշնակահարը ներկայացրեց, որ ինքը և իր երեք թոռնիկները մշտապես կապված են հայրենիքի հետ։ Եվ ահա երաժշտական դասագրքերի

ապա կրթությունը շարունակել է Կոմիտասի անվան կոնսերվատորիայում՝ ուսանելով ճանաչված դասախոս երաժիշտ Գրիգոր Եղիզարյանին։

Հենց Անահիտ Գևորգյանի հորդորով էլ ինքը մի քանի երգեր է գրել Հայաստանի երաժշտական դասագրքերի համար։

Ներկաները փոքրիկների կատարմամբ ըմբռնեցին ամերիկահայ կոմպոզիտոր Մարի Մարի Սարգսյան-Չինկեյանի «Սեպտեմբերի 1», «Պիտի ընկերանանք», «Ով եմ ես», «Ընկեր» և մյուս մանկական երգերը իր և Մանկավարժական համալսարանի ուսանողների դաշնամուրային նվագակցությամբ։

Սիլվա ԱՄՐՅԱՆ



ՈՒՍԱՆՈՂԻ ՕՐԱԳՐԻՑ



Հայաստանյան գարունները պարզապես եղանակ չեն: Դրանք հիշողություն են, սրտի անդորրի ու փոթորկի սահմաններին՝ երբեմն մեղմ քամու պես շոյելով, երբեմն ցավի անսպասելի սուրալով մտնելով ներս, երբեմն էլ ժպտալով՝ մանկության բույր բերելով հետ: Դրանք ոչ միայն հուշեր են, այլ ապրումներ, որ դաջված են հոգուդ պատերին: Գարունը գալիս է լռությամբ՝ լուռ,

Երբ ներսումդ գարուն է

բայց խորքեղեն ներկայությամբ: Նա չի գոռում, չի շեփոթահարում իր վերադարձը: Նա խոսում է միայն նրանց հետ, ովքեր ապրում են այս հողի շնչով, այս հողի ծնակների լռությամբ, գյուղական այգիների ցողաթաթախ առավոտներով: Գյուղերում՝ պապիկների ու տատիկների ձեռքերում, հողն է արթնանում, կարծես նրանց ափերն են վերածնունդ նրան: Այգիներում ծիծեռնակները՝ տուն դարձած հուսիսի հյուսիսներ, նորից սկսում են բույսի հյուսել, իսկ քաղաքում՝ վազքի ու աղմուկի մեջ էլ կյանքը սկսում է զարկերակել՝ կարծես ծնունդ քնից արթնացած շնչառություն լինի: Մարդիկ ավելի մեղմ են թվում. երջանկությունն այս եղանակի հետ գալիս է հաճախ անուշ, աննկատ, բայց ներսից փոխող:

Եվ ես երջանիկ եմ, որ ծնվել ու մեծացել եմ մի քաղաքում, որն իր խոհերում ու բակերում գյուղի ջերմությունն էր պահել: Այստեղ տարիների բոլոր եղանակները հյուսվում էին մի գարնանալի ամբողջության մեջ, բայց գարունը՝ կրկնակի կարևորված: Հայ գարունը ոչ միայն անցյալ է, այլև՝ բանաստեղծություն: Հիշողություն, որով մենք ծնվում ու ապրում ենք՝ թեկուզ չգիտակցելով: Բայց միևնույն ժամանակ՝

հայ գարունը խոստում է: Խոստում, որ ցավի գիշերը լույս ունի, որ վերքը կարող է ծաղկել, որ մենք ինքներս կարող ենք մեզ բուժել: Ամեն մոր օր հայացք է դեպի այն ապագան, որը ժառանգել ենք մեր արմատներից ու մագաղաթագիր ենք դարձնում մեր երազներով: Երբ գարունը գրկում է հողը, թվում է՝ ամբողջ աշխարհը մի պահ կանգ է առնում՝ տեսնելու, թե ինչպես է մի փոքրիկ երկիր այսքան թովիչ կերպով վերածնվում: Այդ գարունները մեզ հիշեցնում են, թե ով ենք մենք՝ մի ժողովուրդ, որ չի մոռանում իրեն, չի կորչում, այլ վերագտնում է ծառի ամեն ծաղկած ծյուղի մեջ: Գարունը վերապրում է՝ ամեն ցրտից հետո: Դա պապիկի ձեռքով տնկած ծիրաններն են, որ դեռ ծաղկում է՝ նրա բացակայության մեջ: Դա մայրս է՝ պատուհանի մոտ կանգնած՝ հայացքն այն ճանապարհին, որտեղ ես մանկական ոտնահետքեր էի թողնում: Դա այն փողոցներն են՝ որոնք մենակ իմ լուռ ու աղմկոտ օրերին կանգնած են եղել կողքիս՝ անգիր անելով ինձ: Դա ես եմ: Ես ծնվել եմ գարնանը, կյանք եմ բերել նրանց, ովքեր սպասում էին ինձ, և գուցե փոթորիկ դարձել նրանց համար, ովքեր երբեք չիմացան, որ իմ մեջ խաղաղություն կար: Երբ

փոքր էի, մայրիկն ինձ «գարուն աղջիկ» էր կոչում: Հիմա եմ հասկանում՝ ինչու: Հիմա եմ հասկանում այդ անվան խորքը: Ես գարուն եմ՝ ապրում եմ իմ ներսում բոլոր եղանակները, բայց երբեք չեմ պարտվում ծնունդ, երբեք չեմ հալչում առանց հետք թողնելու: Եվ հիմա, երբ հեռու եմ ամենաթանկերից, սիրտս լուռ կարոտների մեջ եմ պահում՝ զգում եմ՝ դրսի եղանակը շատ քիչ բան է ասում: Եթե ուզում ես, որ ներսումդ գարուն լինի՝ լինում է: Եթե խաղաղություն ունես՝ ոչ մի փոթորիկ չի կարող քեզ ցնցել: Ես էլի նույն Մարին եմ՝ երբեմն ջերմություն, երբեմն կրակ: Երբեմն լույս, որ լուսաբացին է արթնացնում, երբեմն մթություն, որ համգիստ քնեցնում է հոգնած հոգին: Եվ գարունները միշտ են գալիս: Որպես հիշեցում, որ կյանքը չի վերջանում, երբ սառն է դառնում: Որպես ապացույց՝ որ ծնեմները միշտ նահանջում են... իսկ մենք՝ վերածնվում ենք:

Մարի ՄԱԹԵՎՈՍՅԱՆ

ՀՊՄՀ հեռուստառադիոլրագրության բաժնի 2-րդ կուրսի ուսանողուհի

ԱՆՏԵԱՆՆԵՐԻ ՊԱՏԵՐԱԶՄԸ

21-րդ դարն իր հետ բերում է նորամոր հնարավորություններ՝ տեղեկության արագ տարածումից մինչև տարբեր ոլորտների թվայնացում: Այս թվային հարմարավետության խորքում թաքնված է լուրջ, բայց հաճախ անտեսված մի վտանգ՝ կիբեռպատերազմը: Սա սպառնալիք է, որի դեմ զենքերով պայքարել հնարավոր չէ:

Կիբեռանվտանգությունը պարզապես մասնագիտական եզրույթ չէ: Այն

մեր կյանքի մասն է: Ամեն օր, երբ մուտք ենք գործում էլեկտրոնային փոստ, օգտագործում ենք բանկային հավելվածներ, առցանց գնումներ ենք կատարում, շփվում ենք սոցցանցերում՝ դառնում ենք թվային աշխարհի մասնակից և միևնույն ժամանակ՝ թիրախ:

Այսօր հաքերների թիրախում են հայտնվում ոչ միայն անհատ օգտատերեր, այլև ֆինանսական և տնտեսական կարևոր ենթակառուցվածքները:

Սա պարզապես տեխնոլոգիական խնդիր չէ, այլ բոլորիս անվտանգությանը սպառնացող վտանգ:

Ապագան թվային է՝ արհեստական բանականություն, նորագույն տեխնոլոգիաներ: Որքան զարգանում է աշխարհը, այնքան ավելի բարդ է դառնում վերահսկողությունը: Պաշտպանվելու մի ճանապարհ կա՝ կրթություն:

Կիբեռպատերազմը տարբերվում է ավանդական պատերազմներից. այս-

տեղ չեն հնչում կրակոցներ, չկա զորք, չկա սահման: Այստեղ զենքերը կոդերն են, ալգորիթմները, զինվորները՝ հաքերներն ու ծրագրերը:

Բայց մի գործոն նույնն է մնում՝ մարդը, որ 2 դեր ունի՝ և՛ հարձակվողն է, և՛ զոհը:

Եթե դու ապրում ես թվային աշխարհում՝ արդեն այս պատերազմի մեջ ես: Թեև այն չի աղմկում, բայց իրական է՝ վտանգավոր ու աղետաբեր:

Միակ իրական զենքը, որ ունենք՝ գիտելիքն է:

ԵՐԶԱՆԿՈՒԹՅԱՆ ՇԵՄԻՆ ԿՈՆՖԵՏՆԵՐ ԲԱԺԱՆԵԼԻՍ...

Ամօրն էր տեղում: Սովորության համաձայն անձրևանոց չէի վերցրել, չեմ սիրում, նախընտրում եմ թրջվել: Նայում եմ շուրջբոլորս, մարդիկ բոլորն իրենց քայլերն արագացնում են, քանի որ անձրև է, իսկ ես քայլում եմ դանդաղ, ինձ համար անձրևը երբևէ անենասիրելի երևույթներից մեկն է: Ու հանկարծ հասկացա, որ երջանիկ եմ, չէ, չեմ ուզում խենթի տպավորություն թողնել, իրոք երջանիկ եմ, և հանկարծ գիտակցեցի՝ ամեն մեկը յուրովի է երջանիկ: Երջանկության վերջ, սկիզբ, մտքերս խառնվում են իրար, կարո՞ղ եմ զգացմունքները ակիզբ և վերջ ունենալ, զլխումս կռիվ է, մտածում եմ մի բան և նույն պահին հակառակվում ինքս ինձ: Չէ, ամեն դեպքում երջանկությունը սկիզբ չունի, այն ուղղակի կա, մեկը լացում է, երբ տանը չեն պատրաստել իր սիրած ուտեստը, իսկ մյուսը երջանիկ է, երբ տեսնում է, որ տանը հաց կա, մեկը բողբոջում է, որ թեյը շատ քաղցր է և չի պատրաստվում այն խմել, իսկ մյուսը երջանիկ է, երբ ուղղակի այդ օրը կոնֆետ կերավ: Կոն-



ֆետ... ճիշտ է, պայուսակումս կոնֆետ ունեմ:

Երբ փոքր էի, մտածում էի՝ երջան-

կությունը բարձրաձայն մի բան է: Ինչ-որ մի օր պիտի փայլատակի դիմացս՝ հրավառությունների ու ծափերի ուղեկցությամբ: Բայց հետո կյանքը սկսեց մանրանալ՝ օրերի, վայրկյանների, հայացքների մեջ: Ու ես հասկացա՝ երջանկությունը գալիս է մեղմորեն՝ ինչպես արևը՝ պատուհանից, երբ լուսավորում է մոր պատրաստած թեյս:

Չեք մոռացել, չէ՞, այն կոնֆետի մասին: Չմայած որ առավոտից ոչինչ չէի հասցրել ուտել և հիշում էի պայասկունս ունեցած շոկոլադի մասին՝ մտածելով, որ այն շուտով կուտեն, մտափոխվեցի, որոշեցի այն տալ անծանոթի՝ դրսում մրսած ծերունու... Ես սպասում էի, որ նա կծալտ, շնորհակալություն կհայտնի, հնարավոր է՝ նույնիսկ հուզվի: Բայց նա ուղղակի վերցրեց կոնֆետը, ակնդետ մայեց ինձ ու ասաց. «Թեզ այսօր հաստատ ինչ-որ բան կուրախացնի»:

Չգիտեմ՝ դա մարգարեությո՞ւն էր, թե՞ պատահական խոսք, բայց այդ օրվանից սկսեցի միշտ մի քանի կոնֆետ պահել պայուսակում: Դրանք բաժա-

նում էի՝ առանց ակնկալիքի: Ու տեսա՝ որքան ուժ ունի մի փոքր, քաղցր ժեստը:

Երջանկության շենը տեղում կանգնած երջանկությանը սպասելը չէ: Երջանկությունը ստեղծում ենք մենք և տանում այն մեզ հետ, երբ քայլում ենք մարդկանց կողքով ու ընտրում՝ խոսել, թե՞ լռել, նայել՝ աչքերի մեջ, թե՞ հեռու: Իսկ երբ գալիս է պահը՝ ընտրելու, ես միշտ հիշում եմ այդ խոսքերը՝ քեզ այսօր հաստատ ինչ-որ բան կուրախացնի:

Եվ հենց այդ պահին՝ ուրախությամբ լցված հոգուս պատճառով տաքացած ձեռքերիս մեջ կոնֆետների՝ հալվելուն պես, ինքս եմ հալվում՝ մի փոքր ավելի բարի դառնալով: Երջանկության շենը կոնֆետներ բաժանելը չէ: Կոնֆետներ բաժանելը երջանկության արարումն է:

Էմմա ՇԵՆՈՒՆՅԱՆ

ՀՊՄՀ հեռուստառադիոլրագրության բաժնի 2-րդ կուրսի ուսանող

Արգիշտի Պետրոսյանը հետաքրքիր երիտասարդ է, ստեղծագործ միտք ունի, լավ գրիչ, նաև ուժեղ կամք: Նա ընդունվեց Հայկական պետական մանկավարժական համալսարանի լրագրության բաժին և անմիջապես զորակոչվեց բանակ: Նա չէր ուզի ու հատկապես չէր պետկերացնում, որ իր առաջին նյութերը կլինեն ռազմական գործողությունների մասին: 2023 թվականի սեպտեմբերի 12-ը նրա հուշերում կմնա այնպես, ինչպես ինքն այդ օրերին արձանագրել է: Արգիշտիի վավերագրությունը ներկայացնում ենք առանց խմբագրման:

Վաղը պատերազմ էր...

2023 թվականի սեպտեմբերի 12:

Ժամը 23:50: 157 մարտական դիրքի դիտակետ,

2-րդ հերթափոխ: Երկխոսություն շարքային Արգիշտի Պետրոսյանի և շարքային Վարդան Առաքելյանի միջև:

-Չես խոսում Արգիշտ: Քեզնից չի: Ի՞նչ ես մտածում:

-Կամանդիրի ցերեկվա պահվածքը տարօրինակ էր:

Ոնց որ մի բան հասկացներ:

-Չէ հա: Դժվար: Միշտ էլ նույնն ա: Գալիս ա տենց ա անում, որ արխային չընկնենք, ամեն վայրկյան սպասենք ու պատրաստ լինենք կռվի:



Վարդանը չգիտեր, որ ես ու կամանդիրը առանձին էլ ենք խոսել: Ու ես ավելի շատ բան գիտեմ, քան իրենք: Իրենց իմացածիս կեսն եմ ասել, որովհետև մյուս կեսը ասելու դեպքում խուճապը շարքից կհաներ բոլորին:

Ես Արգիշտին եմ: Արդեն մեկ ու կես տարի է ծառայում եմ Գորիսում: Շարքային եմ, բայց որպես լավ զինվոր, ներքին կարգով, նաև դիրքումս «հրամանատարություն եմ» անում: Ու հենց սա էր պատճառը, որ ցերեկը կամանդիրը իմ հետ էր առանձին խոսել: Ասաց, որ հակառակորդի մոտ անախաղեպ կուտակումներ կան, ու ամեն ինչ խոսում է եմ մասին, որ գիշերը հարձակում կլինի, բայց տղաներին ուղիղ չասեմ: Կվախենամ, կզանգեն, հեռախոսով բաներ կխոսեն, որն անթույլատրելի է: Փորձեմ ուղղակի հասկացնել ու հոգեպես պատրաստել:

Մեկը լինե՞ր ինձ հոգեպես պատրաստեր:

Երևի կյանքումս առաջին անգամ պատասխանատվության անտանելի մեծ չափաբաժին զգացի ուսերիս: Մի քիչ վախ կար: Բայց իմ համար չէ, այլ տղաների: Մենք արդեն կես տարի միշտ նույն ջոկով էինք դիրքեր բարձրանում, ու ընտանիքը ամենահարմար բառն է բնութագրելու համար մեզ, մեր հարաբերությունները:

Սեպտեմբերի 13: Ժամը 00:00:

-Արգիշտ, դրո՞նի ձեն ա:

-Դրո՞ն չի, դրո՞ններ են...

-Հ՞ն...

Ձանգ Կամանդիրին:

-Կամանդիր, դրո... (չհասցրի ավարտեմ նախադասությունը):

-Գիտեմ: Սկսվում ա...

Ու մի պահ կանգնեց ամեն ինչ: Աշխարհը, ժամանակը: Սառեց հայացքս մի ուղղությամբ ու հենց այն ուղղությամբ, որում կարմիր կետը դանդաղ գնաց, խփեց ու սնկածն կրակով վեր հանեց մեր 161-րդ դիրքի տնակը...

-161-ին խփին, Արգիշտ: Տղերքը:

-Տեսնում եմ: Պառկիր, հեսա հերթը մեզ էլ կհասնի: Տագնապ: Մեր մնացած տղաները բարձրացան մեզ մոտ ու...

Գնաց...

Դրվեց կյանքիս, չեմ վախենա ասել, ամենակարևոր 72 ժամի սկիզբը: Գոռում էինք, կռվում, կատակում անդադար, ծիծաղում, մրսում՝ շատ ու հատկապես ես: Վերարկու չէի հագել դիրք բարձրանալիս, չգիտեի, որ մինչև լուսադեմ էլ տնակ չեմ իջնի: Պայքար էր: Ինքնաճնշեց պայքար:

Ամբողջ կյանքիդ հիշողությունները, ամեն երկինքը կեղտոտող պայթյունին զուգահեռ, բարևում էին ուղեղիդ ծալքերին:

Ձգում էի մարմնիս ամեն մասը:

Ձոհ... Գրիգորը զոհվեց ներքևի դիրքում... Վարդանի մոտ ընկերն էր: Ընկերներ չէինք, բայց մոտ էինք: Փրկեցինք... Հպարտ եմ: Անհամեստություն թող դիտվի: Հպարտ եմ ինձնով, որովհետև մարդկային կյանք եմ փրկել. 4 կյանք...

Հայրս եկել էր... 2 օրից ավելի կռվին հետևում էր գյուղից ու չէր կաողանում գալ ինձ մոտ: Չէին թողնում: Կյանքում առաջին անգամ երկուսս էլ հասկացանք ու իրար խոստովանեցինք... Հպարտ էր, որ առանց իր օգնության միայնակ չտրտնջացի, դիմացա, կարողացա... Հպարտ եմ, որ հպարտ էր...

Սեպտեմբերի 16: Ժամը մոտ 18:00:

Ռացիայի մեջ լսվեց. «Հրաման կա չկրակելու. հրադադար է»: Գնդապետն էր:

Վերջացավ:

Թվում է, թե հիմա ավելի շատ ասելու բան պիտի ունենամ, բայց ոչ: Պառկեցի: Նայեցի կապույտ, պարզ ու մաքուր երկնքին: Չխոսեցի: Լուռ մտածեցի: Շնորհակալ եմ, ունեցածիս, չունեցածիս համար: Շնորհակալ եմ ինձ բացահայտելու, ինքս իմ հետ ծանոթանալու, ուժեղ կողմերս իմանալու համար: Շնորհակալ եմ այն ամենի համար, որ հիմա չեմ հիշում: Ու վերջում: Խոստանում եմ...

Խոստանում եմ պատվով օգտագործել ապրելու իմ երկրորդ շանը այս աշխարհում...



**Արգիշտի Պետրոսյան
ՀՊՄՀ հեռուստառադիոլրագրության բաժնի
3-րդ կուրսի ուսանող**

ԽԱՀԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԸ ՀԱՅՏԱՐԱՐՈՒՄ Է

2025-2026 ուսումնական տարվա ասպիրանտուրայի առկա ընդունելություն

1. Մանկավարժության տեսություն և պատմություն - ԺԳ.00.01 (1 տեղ)

2. Դասավանդման և ուսուցման մեթոդիկա (ըստ բնագավառների) - ԺԳ.00.02 (1 տեղ)

3. Սոցիալական հոգեբանություն - ԺԹ.00.03 /1 տեղ/ Դիմորդները ներկայացնում են հետևյալ փաստաթղթերը.

1. Ասպիրանտուրա ընդունվելու համար տրվում է դիմում հաստատության ղեկավարի անունով՝ կցելով հետևյալ փաստաթղթերը՝

1) բակալավրի և մագիստրոսի կամ դիպլոմավորված մասնագետի կամ օրդինատորի դիպլոմի ու դրանց հավելվածների պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին),

2) օտար լեզվի ատեստավորման վկայականը կամ դրան համապատասխան տեղեկանքը (սահմանված ներքին շենով՝ բալային գնահատմամբ),

3) ընտրված մասնագիտությամբ հրատարակված առնվազն մեկ գիտական աշխատանքի պատճենը կամ գիտական ռեֆերատ՝ առնվազն 20 տպագրական էջի սահմաններում,

4) անձնագրի և սոցիալական քարտի պատճենները,

5) ինքնակենսագրություն և երեք լուսանկար (3x4 չափսի),

6) քաղվածք աշխատանքային գրքույկից (առկայության դեպքում):

2. Ստորև նշված օտար լեզուներից որևէ մեկից ստացած անհրաժեշտ նվազագույն միավոր է համարվում՝

1) անգլերենից՝ «TOEFL» (iBT) (այԲԻԹԻ)՝ 46 և «IELTS» (ԱՅԼԹՍ)՝ 5.5 միավորը,

2) ֆրանսերենից՝ «TCF» (ԹԻՍԻԷՖ)՝ 200 միավորը,

3) գերմաներենից՝ «on DaF» (օն Դաֆ)՝ 60 միավորը:

Փաստաթղթերն ընդունվում են ս.թ. հունիսի 2-ից մինչև 27-ը:

Ընդունելության մասնագիտական քննությունները կազմակերպվում են ս.թ. հուլիսի 2-ից մինչև 11-ը:

Տեղեկությունների համար դիմել հետևյալ հասցեով՝ Երևան, Տիգրան Մեծի 17, 2-րդ հարկ, Գիտահետազոտական կենտրոն, հեռ.՝ 59-70-29:

ՀԱՅՏԱՐԱՐՈՒԹՅՈՒՆ

Խաչատուր Աբովյանի անվան հայկական պետական մանկավարժական համալսարանը հայտարարում է 2025/2026 ուսումնական տարվա հայցորդական (հետբուհական) կրթության ընդունելություն (վճարովի հիմունքներով)

Հայցորդական /հետբուհական/ կրթության ընդունելության մրցույթին կարող են մասնակցել պետական և հավատարմագրված ոչ պետական բուհերի շրջանավարտներ, ովքեր ունեն մագիստրոսի կամ բարձրագույն կրթությամբ մասնագետի դիպլոմ:

Դիմորդները ներկայացնում են հետևյալ փաստաթղթերը.

1. Դիմում համալսարանի ղեկավարին՝ նշելով ընտրած մասնագիտությունը:

2. Մագիստրոսի կամ դիպլոմավորված մասնագետի կամ օրդինատորի դիպլոմի և դրա հավելվածի պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին):

3. Անձնագրի և սոցիալական քարտի պատճենները:

4. 2 տպագրված հոդված կամ ընտրած մասնագիտությունից գիտական ռեֆերատ:

5. 3 լուսանկար (3x4 չափի):

6. Ինքնակենսագրություն (CV):

Փաստաթղթերն ընդունվում են հայտարարության հրապարակման օրից մինչև ս.թ. նոյեմբերի 3-ը (ներառյալ):

Տեղեկությունների համար դիմել հետևյալ հասցեով՝ Երևան, Տիգրան Մեծի 17, 2-րդ հարկ, Գիտահետազոտական կենտրոն՝ 206 սենյակ, հեռ.՝ 59-70-29: